


中央研究院歷史語言研究所校印

明仁宗寶訓

明仁宗寶訓



仁宗昭皇帝寶訓序

朕惟帝王治天下仁恤蒼生為祈天永命之本是之謂成德制禮樂法度為維持之具以傳子孫是之謂成憲繼統序者欽承之以求無爽於成德無愆於成憲用保天下國家於悠久是之謂繼述越古稽昔夏商周之世禹湯文武肇於前皆有賢子孫紹於後歷世綿永其效可見

天佑國家我

太祖高皇帝

太宗文皇帝峻德成功貽範於後者至矣盛矣

皇考仁宗昭皇帝以仁厚溫恭之德當國家亨嘉之運緝

熙

聖學帝王之心法經綸參贊之道成貫而一之用光前烈
迪後

昆所以嘉惠臣民者咸出
至誠惻怛之心暮年之間

深仁厚澤浹於下足以隆國家之治於永遠朕承大位謹
命儒臣紀之國典復輯嘉謨為寶訓六卷祈四十一類
凡百九十八條蓋敬天勤民之心制治保邦之道備於
是矣朕惟

祖宗洪業創造之難繼守之不易夙夜兢兢慮弗克負荷
肆於

訓典是承是式且欲後之子孫咸承式焉庶其永保祖宗
之付

託於悠久也謹為之序云

宣德五年正月二十日

明仁宗寶訓 序

四

仁宗昭皇帝寶訓序終

大明仁宗昭皇帝寶訓目錄

○卷之一

敬天

聖孝

教皇太子

睦親

戒飭宗室

嚴祀禮

仁政

恤民

重農

求賢

用人

命官

求言

褒直言

改過

明治體

興學

○卷之二

崇儒

正風化

諭臣下

戒飭臣下

振風紀

重名爵

大明仁宗昭皇帝寶訓目錄

柳條邊

退不肖

防微

革弊

弛利

武備

備邊

論邊將

恆將士

賚功

厚勲戚

恆舊勞

禮羣臣

褒贈

明刑

恆刑

宥過

懷遠人

大明仁宗昭皇帝實訓目錄終

大明仁宗昭皇帝寶訓卷之一

光祿大夫柱國少傅兼太子太傅禮部尚書武英殿大學士 臣呂 本謹校

南京禮部祠祭清吏司郎中 臣陳治本

南京兵部職方清吏司主事 臣朱 錦謹閱

南京工部虞衡清吏司郎中 臣呂胤昌

敬天

○洪熙元年正月癸未以遇冬不雪勅公侯伯五府都督六部尚書侍郎都察院都御史曰朕以眇躬託於臣民之上憂憫元元勤於夙夜而自今迄冬時雪不降來年無遂吾農柰何夫二氣之乖由朕德涼薄大臣與國同體變理之助誠有賴焉朕方揚厲自省卿等亦懋脩乃

職用贊輔予庶以導召和氣康濟兆民夫愛民惟誠可以動天願共勉之欽哉毋忽

○丙戌賜三公及六部尚書天元玉曆祥異賦

上初得此書以示侍臣曰天道人事未嘗判為二途有動於此必應於彼朕少侍

太祖每教以慎脩敬天朕未嘗敢忘此書言簡理當左右輔臣亦宜知之遂命刊印

上親製序曰在天為五行在人為五事五事脩則休徵應失則咎徵應天人感應之機神矣惟天心仁愛人君常示變以警之惟明君必敬天於所警皆有惕厲脩省之誠未嘗忽也此編明於天人之際審矣朕嗣承天序祇

若天道動靜云為恒慎諸此股股大臣與國同體欣戚相均今各以賜之非惟使達夫吉凶之幾亦庶幾其變理之助云

聖孝

上為世子時

太宗皇帝舉兵靖難奉命居守旦暮督治守備及禦敵之具每四鼓以起二鼓乃息左右或以過勤為言者答曰君父身冒艱險在外此豈為子優逸時且根本之地敵人所必趨者豈宜不為豫備而凡有所施為必稟命

仁孝皇后乃行

○永樂十一年七月庚子千秋節時

上監國南京先日禮部請行慶賀禮

上曰

車駕在北京予不得

君父前躬致禮乃可受羣臣禮耶其止之自是千秋節遇車駕巡狩並免禮

○永樂十八年十一月丙寅

上為皇太子過鳳陽謁祭

皇陵畢周步陵旁望

仁祖純皇帝所遺石農器顧侍郎張本學士楊士奇曰國家帝業所自也徘徊久而後退既退陵下耆老進謁悉賜酒饌慰勞之有知

太祖龍興時事者留從容與語至夕加賜優厚已而顧士
竒等歎曰知當時事者益鮮矣蓋

上重

祖宗事率如此

○永樂十九年正月辛卯

上為皇太子初至北京禮部尚書呂震言於

上曰殿下前在南京數遣中官進保進奏牘每至輒有殿

下過失上聞而皆其妄言今宜疏此人

上曰過失吾豈能無今

至尊既不信之我又可於此人計較耶卒寘之

○永樂二十一年十一月丁亥

皇明通志

卷一百一十五

上為皇太子聞內侍黃儼江保數造危語譖之
太宗皆不聽

上召左春坊大學士楊士奇至文華殿語之故因嘆曰天
可欺乎非賴

至尊聖明尚得在此哉士奇對曰殿下益宜自處盡道

上曰盡心子職而已他有何道

○永樂二十二年八月丙寅勅諭禮部臣曰

皇考大行皇帝聖德神功追配

太祖統御天下二十餘年恩德在民萬世永賴

皇妣仁孝皇后母儀四海寅奉

宗廟協隆化理而尊號未上無以稱朕孝思及天下臣民

尊仰不忘之心其與羣臣定議請謚于南郊

○九月癸未禮部尚書兼太常寺卿呂震奏

太宗皇帝遺命喪服一如

太祖高皇帝倣漢制以日易月今已踰二十七日請

上釋衰服服烏紗冠素服黑角帶臨朝

上不聽命與六部都察院詳議以聞震與六部都察院共奏

上宜服素冠黑角帶羣臣皆從君服

上曰

梓宮在殯朕何忍遽易自是臨朝素冠麻衣麻經朝退仍

衰服

○十一月庚辰

皇明實訓

共熙一卷

日

上謂侍臣曰守成之主動法祖宗斯鮮過舉書曰監於先王成憲其永無愆後世為嗣君者往往作聰明亂舊章而卒至喪敗不救可為鑒戒朕十餘歲侍

太祖皇帝側親見作祖訓屢更改易而後成書是時秦晉周世子皆在

太祖閒暇即召太孫及諸世子於前分條逐事委曲開諭之皆持身正家以至治天下之要道為天子為藩王能每事遵守豈有不福祿永遠者朕寤寐不忘今已命司禮監刊印將賜諸子及弟姪侍臣對曰

陛下此心即

太祖皇帝之心也

○已丑太子太保兼禮部尚書呂震奏冬至節請御正殿受賀

上曰

梓宮在殯山陵未終因時興慕哀慟愈切慶賀之禮豈所宜言勅免賀

○洪熙元年正月壬午勅禮部太常寺臣曰欽惟

皇祖太祖高皇帝受命

上天肇興皇業

皇考太宗文皇帝中興

宗社再奠寰區

聖德神功咸配

皇明實錄 卷一百一十五

天地易曰殷薦上帝以配祖考朕崇敬

皇祖

皇考永惟一心今年正月十五日大祀

天地神祇奉

皇祖

皇考配神仍著典章垂範萬世如勅奉行

教皇太子

○洪熙元年二月壬子

上諭華蓋殿大學士楊士奇等曰東宮開講筵蓋欲皇太子日聞正道養成德性講官當以大經大法進說其前史所載非聖賢之道無益於治者勿言

○四月丙午賜皇太子圖書并書諭曰朕惟祖孫父子於天倫最重是以祖之於孫父之於子其親愛天下莫加焉親愛之而期以富貴壽康蓋天下之同情而推明所以長保富貴壽康之道以期之者聖人之心也爾朕嫡長子

皇考太宗皇帝嫡長孫也自幼岐嶷粹美

皇考最所鍾愛鞠育提訓朝夕膝下誠以爾為遠大之器而可付以

社稷人民之重者也故隨事垂訓皆聖人之至道帝王之大經恩德廣厚譬諸天地之化豈易名言迺永樂甲辰之春親征北虜車駕將發子孫咸在

天顏穆清顧爾謂朕曰古之令主於盤盂劔几皆有銘用
自警也人之行莫大於中正况為人之上者乎吾以人
主中正四字為寶押師還製以賜之俾之自勉達六師
凱旋不幸

皇考賓天朕已承

遺命正大統冊爾為皇太子皇太子者天下之本係主器
之重必有令德用克欽承惟中興正為德之本謹遵
皇考成志製為寶押以授爾其懋敬之哉中正體用一也
不偏不倚無過不及天下萬善皆原於此隆古帝王傳
授之要皆在於此人以中正存諸內則發於喜怒哀樂
無非道也以中正施諸行則形於動靜云為無非德也

而於君人者之施蓋又廣矣中天下而立以正天下之
秉其可不敬於內不慎其發哉故以中正誠身則身尊
以中正治家則家齊惟中正之人是親則君子益進小
人益遠惟中正之言是聽則善道日聞而讒諂日退行
賞以中正則息不濫而人皆懋功行罰以中正則刑不
濫而人皆畏罪以中正施教則治道可成而俗化可
興以中正施命令則萬姓服從而四夷效順君人之道
莫此為要肅懋敬之其篤念朕

皇考與朕所親愛期望之心而敬服膺之以係
宗社生民之望於永遠哉

睦親

皇明宗實訓 卷一

永樂二十二年九月乙酉增諸王祿米

上謂戶部尚書夏原吉曰朕諸叔在者無幾諸兄弟惟趙王居京師餘皆守藩於外朕旦夕在念帝王之治莫先親親况朕新嗣太位於此尤當加意其加諸王歲祿於是周府加米五千石通前二萬石悉支本色寧府原祿一萬石悉支本色慶府加米九千石通前一萬石悉支本色代府加米千五百石通前二千石悉支本色藩府加米七千石通前萬石內本色米六千石餘折鈔唐府加米千七百石通前五千石悉支本色遼府加米千石通前二千石悉支本色肅府加米五百石通前一千石悉支本色秦府原祿一萬石內加米四千五百石通前

五千石支本色餘五千石折鈔伊府加米千七百石通
前二千石悉支本色靖江王加米七百石通前一千石
悉支本色漢趙二府各加米二萬石通前三萬石仍歲
加鈔十萬貫晉濟煇給米三千石

賜晉濟煇書曰念昔與兄朝夕同侍

皇祖同學講習又同飲食起居兄弟之懷夙夜惓惓茲特
送翼善冠二金箱玳瑁帶一龍文袍服紵絲紗羅衣材
九襲白金三百兩鈔六千錠紵絲二十疋表裏錦九疋
羅二十表裏紗二十疋胡椒蕪木三千斤廐馬二十匹
及令戶部歲給米三千石用伸親親之情

○十一月壬午韓王冲域襄陵王冲林樂平王冲僉各獻

月朔

卷一

詩頌

上覽畢以示侍臣曰韓王兄弟文詞皆有可觀亦其資性聰敏務學所致王者之學雖不在文然能留心於此不後志於他斯亦可尚遂賜勅獎諭曰覽王詩頌詞明理暢足見勤學好文之篤誦之至再嘉嘆不已諸弟皆有淳篤明敏之資自今益潛心載籍用志古之賢王使東平河間不得專美前代豈不偉哉賜白金鈔幣有差

○甲申加各長公主號及歲祿

上謂禮部戶部臣曰朕

皇考同氣至親惟諸叔諸姑今諸叔之子皆已冊封諸姑在南京朕即位之初雖嘗有分齊而名號未加朕心有

歎其加寧國長公主及懷慶大名南康永嘉含山汝陽
寶慶七長公主皆為大長公主仍議增其歲祿於是戶
部禮部議奏增寧國大長公主歲祿米三百石通前二
千三百石內一千三百石支本色餘折鈔南康大長公
主原祿米一千二百石內九百石支本色餘折鈔加懷
慶大名永嘉含山汝陽寶慶六大長公主各祿米二百
石通前一千二百石內九百石支本色餘折鈔從之

○己丑靖江王府輔國將軍贊侃贊偕來朝班朝臣之下
上顧見之諭鴻臚寺臣曰贊侃兄弟雖朕姪然宗親豈宜
過列疎遠其令班於駙馬都尉之次著為令

○洪熙元年正月庚辰賜漢王高煦袞服皮弁服書曰世

皇月寶川

共熙一長

七

子至言賢第衮服皮弁服皆舊欲易新者今已製完類人送去相望懸切其善調攝以副同氣之懷世子令於此月十二日歸并報知之

○三月辛卯遣中官賜漢王高燮袍服材書曰違濶隔歲懷思益深兄弟至親豈不欲朝暮晤聚共天倫之樂但以藩屏之重未遂斯志顧於同氣情當何如想在賢弟心不異此茲以寒暑袍服材九襲專人致意賢弟亮之賜趙王高燧亦如之

○甲午趙王高燧奏王府舊存祿米十二萬石在京乞官為運赴彰德

上命戶部於彰德附近倉內支杭米十二萬石給之賜書

答趙王曰賢弟有所欲為義當從但目下軍民之困未蘓京師輸運不足者亦不以勞之念王府日用不可缺已勅戶部於彰德附近倉內支杭米十二萬石送王府王府之米在京者朝廷留用庶幾兩便

戒飭宗室

○洪熙元年二月辛酉賜書周王禔曰春和計尊履納福今宗室諸王男長未婚女長未嫁蓋多有之姪雖居憂制斯事固恒在念已令所司預辦儀物但喪服一除即為舉行今歸德衛送至府中內使趙信等為婚禮擾民今悉發回府若有因此事別遣在他處者亦須取回庶免下人之議蓋朝廷與王國本出一家禮無大異惟叔

月官用

洪熙一表

先帝同氣最親於今宗室最長姪叨承天位所望於叔者
凡事為諸王表儀姪所行事有過不及亦望匡翼此中
心之誠惟叔亮之

○甲子晉王濟曠及平陽王美圭互奏華連伯灘田賜書
濟曠曰得奏田事兄亦檢閱

先帝時賢弟及平陽王所奏具見本末今仍遣人往蒲州
從寔審視繪圖來觀賢弟亦令一的當人同往務盡公
道庶幾將來處置得中古人有言易得者田地難得者
兄弟孟子曰亦有仁義而已兄於賢弟心相好也親愛
之言想惟亮察又遣書諭兄濟曠曰前平陽王言連伯
灘田雖已與之昨晉王亦言在

先帝時曾奏此事今檢閱不為無據已遣人往蒲州從公
審視圖畫來觀兄亦宜令平陽王遣一的當人至彼務
盡公道庶幾將來處置兩得其中古人有言兄及弟矣
式相好矣無相猶矣往事悉可置度外也蓋時濟熹猶
訴諸弟昔所構誣未已云

○四月戊申命華陽王悅燿居武岡州悅燿蜀獻王第一
子素放肆不順為父所惡父薨悅燿誣奏蜀長孫友堉
悖逆怨誹十數事意在去友堉則王位以次及已勅召
友堉廷辨未至而

太宗皇帝晏駕

上即位察知其誣復命友堉嗣蜀王而召悅燿悅燿至猶

皇朝通志

十一

執奏友婿前過

上厲色曰爾兩人行事蜀人所共知不可掩况可欺朝廷乎以庶孽而懷奪嫡之志天道果與之乎

宗廟神靈亦祐之乎抵其奏於地叱之下悅懼惶恐退明日復入奏請授護衛指揮千百户子弟及女户官并請以流官為世襲

上曰朝廷之制護衛官當陞降者從王具奏郡王安得專之不聽已而

上諭侍臣曰驚象不可同處矣遂賜書悅耀曰爾與友婿本一氣至親既情義乖違同處必至相處傷湖廣武岡州民淳俗厚蓋善地也爾往居之歲給爾祿米二千石

內一千石支本色餘折鈔其體朕悖睦之心安意以行
仍貯絲羅各十五表裏白金二百兩鈔一萬貫勅蜀王
友婿令遣人送華陽王家屬赴武岡完聚其平日隨從
之人悉還之然須厚資給以盡事叔之道

嚴祀禮

永樂九年閏十二月甲戌

上為皇太子浙江台州府言比文廟及學并按察分司廡
宇因海風傾塌欲重建之而頻年水旱民力不逮見有
沒入官屋請撤為之

上諭工部臣曰廟祀先師何惜於此而取沒入屋材其文
廟令有司別採材作之儒學及按察司聽撤舊材為之

○永樂二十二年十二月戊辰太常寺卿王勉劾奏通政使司通政使尹必用當省牲郊壇而令叅議顧謙代行皆屬不恭時監察御史方糾必用他事

上曰御史所言特其一時之誤情可恕禮莫重於祀天而省牲不敬豈可復居是職於是必用謙皆下獄
○已已

上諭禮部臣曰朝廷崇祀神祇悉有舊典主其事者當致虔恭以祈嘉貺福黎庶願闡天下郡邑應祀壇宇歲久傾墊多不脩治甚非昭神明之道其飭有司修繕凡祭器祠宇并須堅緻潔淨所用物料悉出公帑毋歛民仍令巡按御史及按察司官以時點視違者罪之

○洪熙元年正月癸未以大祀南郊

上御奉天門文武羣臣受誓戒畢

上進分獻官諭之曰事神之道豈獨臨事之際則致誠敬
要其奉天子民之心積累於平日者皆已乎達鬼神所
以祭則受福朕以菲德上承

祖宗主典神天所與協恭承

天休者公卿百執事也尚體朕心敬亮天工仁卹斯民庶
幾克享天心風雨順調年穀豐稔使斯民蒙福亦昭我
君臣共事之美欽哉

○四月己未行在太常寺卿楊溥奏犧牲所見畜羊少請
給鈔遣官於出產之處市買

上曰能愛人而後可以事神朝廷事神之道豈當惜費比
年右司不達大體於市犧牲但準洪武中價值凡物值
隨時低昂豈有一定之理今民間諸物視洪武時直率
增數十倍而祀神之物獨仍舊值民恚於下神其享乎
自今供祀犧牲悉準在京時值給鈔往市如於所產之
處時值不足則就所在有不係贓罰鈔內補給畿內從
巡按御史在外從按察司官監市毋致擾民

仁政

○永樂二十二年十月甲辰

上諭禮部臣曰

皇考臨御數詔有司存恤鰥寡郡邑皆有養濟院比聞率

是文具居屋敝壞肉粟布絮不以時給栖栖饑寒而守令恬不留意爾禮部嚴誠約之令謹視宜施實惠毋致失所

○庚申增京師百官軍士月米先是

上諭兵部尚書李慶曰國家養兵必使平時衣食不乏無差忒之意則緩急用之得其力今遠戍者勞動操練者亦少暇守衛者常不浔下直間有餘丁亦別有差遣不得息在營率婦女幼稚無治生者而月糧止得五斗不足自贍此豈能無差忒宜如洪武中例月給一石慶曰如此恐百姓餽運不勝其勞

上曰古者寓兵於民一有調發民間騷動今之民平時雖

有養兵之勞而調發之際免於荷戈被甲晏然安居田里以此較之未為甚勞慶叩首曰此非愚臣所及遂召戶部尚書郭資諭曰往年百官軍士初扈從來月給米五斗可贍今都於此此曹多有家屬矣五斗不足以贍江南運輸固艱難然京師百官軍士艱難尤甚徃往守義者困於饑寒玩法者恣無忌憚卿國之大臣獨不為遠慮哉朕於文武官及軍士月米悉欲加給五斗數年太倉儲積皆卿所掌不之用否資對曰不之遂命增給

○洪熙元年正月辛巳

上諭兵部尚書李慶等曰馬資於國用甚大然嘗思之當與民同其利民有即國家之有漢文景時閭巷有馬千

百為羣蓋民生樂業庶物咸殖馬自蕃息

先帝嘗聽民間皆畜馬然有司急於官馬孳息故民不暇於其私今且寬恤之使奉公之外有餘力可以及私從容寬暇之文庶幾可望民安物阜今後民間畜官馬者令二歲納駒一匹著為令又命大學士楊士奇等曰須以詔書行之

○四月丁卯勅行在戶部曰山澤之利當與百姓共之故此者特弛西山樵採之禁令聞有技本而取者於古人斧斤以時之義何如宜禁止之

恤民

○永樂七年五月壬申朔

皇明實訓

卷一

十五

上為皇太子監國南京解州安邑縣儒學教諭自感言安邑民饑流徙吏不知恤旱傷田稼而科徵不已民實窘困無所訴告其稅糧乞折收鈔帛庶少蘓息之

上覽之曰守令民之父母艱難困苦當用心拯救使不失所今艱難如此而不知恤又重以徵歛豈為民父母之道命戶部停徵稅糧今巡按監察御史治縣官坐視民瘼之罪命吏部曰威為教官養民非其職而能憂民可嘉其以為安邑知縣

○永樂八年三月乙亥

上為皇太子監國南京右副都御史虞謙給事中杜欽啓潁州及潁州衛軍民缺食請發廩賑貸

上遣人馳諭之曰軍民困乏待哺嗷嗷卿等尚從容啓請待報汲黯何如人也亟發倉賑之勿緩

○永樂十八年十一月己丑

上為皇太子過鄒縣見民男女持筐盈路拾草實者駐馬問所用民跪對曰歲荒以為食

上惻然稍前下馬入民舍視民男女皆衣百結不掩體竄釜傾什不治歎曰民隱不上聞若此乎顧中官賜之鈔而召鄉之耆老問所苦具以實對輟所食賜之時山東布政使石執中來迎責之曰為民牧而視民窮如此亦動念否乎執中言凡被災之處皆已奏乞停今年秋稅上曰民饑且死高及徵稅耶汝往督郡縣速取勸饑民口

數近地約三日遠地約五日悉發官粟賑之事不可緩
執中請人給三斗曰且與六斗汝毋懼檀發廩吾見
上當自奏也

○永樂二十一年八月丁丑

上為皇太子監國諭戶部尚書郭資曰今年南北直隸并
山東郡縣水旱之處糧芻皆無出而有司徵索不已甚
為朝廷怨其悉蠲之

○永樂二十二年九月庚辰以河南黃河汎溢祥符陳留
鄆陵太康陽武原武諸縣多傷禾稼勅免今年稅糧馬
草仍命都察院左都御史王彰都指揮同知李信任鎮
撫軍民

上諭彰曰卿任朝廷耳目之寄且河南鄉邦下情鬱不上達久矣凡有可以利安軍民者悉具奏來各府州縣亦須周歷諮訪庶幾得民之情

○工部奏脩兵器請徵布漆於民

上曰兵器不可不脩但方下詔恤民民瘼未蘇何忍復有徵歛其官給價鈔市之

○丙戌鳳陽五河等縣奏雨水沒田稼

上謂戶部尚書夏原吉曰農民勞苦至秋成為水所傷既無自給不可復徵其稅其遣人覈實今歲糧芻悉免之

○庚寅通政使司左通政樂福言奉命沿水蘓松嘉湖杭常六府今歲六府田稼有傷於水者請寬其稅俟來歲

併徵

上曰今歲以恤民故寬之若來歲併徵民輸亦難其令以鈔布代輸

○乙未

上諭兵部尚書李慶曰今太僕馬增數倍而畿民一夫或畜三匹四匹者畢力於此故有耕桑盡廢衣食不給甚可矜憫其以分給諸衛所及臨邊戍卒俾牧養兼習以待用亦軍民兩便也

○十月癸卯通政使言山東民運糧至通州張家灣因民家火延糧舟悉燬官府責償甚急民無所出奏丐緩徵上諭戶部曰山東數年水旱民窮今又厄於此宜寬恤之

其令每糧一石準輸鈔四錠

○丙午山東布政使司言登萊諸郡今歲雨水傷麥其前歲所逋稅乞令民以他物代輸

上命戶部議所以寬貸之戶部言今國用不足

上曰君民一體民貧豈可不恤宜從所言其永樂二十年所逋稅悉蠲之二十一年稅令以鈔貸輸

○戊申通政使司請以四方雨澤奏章類送六科收貯上曰祖宗所以令天下奏雨澤者蓋欲前知水旱以施恤民之政此良法美意今州縣雨澤奏章乃積於通政司上之人何由知又欲送六科收貯是欲上之人終不知也如此徒勞州縣何為自今四方所奏雨澤重即封進

朕親閱焉又諭之曰為近臣當究事理恤民難毋徒苟應故事也

○癸丑順德府廣宗縣奏今歲雨水下田傷稼頗多乞寬其租稅

上謂戶部臣曰比登萊諸郡兩水傷麥已蠲其永樂二十年逋稅二十一年所逋者令折輸鈔廣宗可準此例寬恤之若俟覈實而行則民困於有司之督責其速行之而後令巡按御史審實不實者罪之自今各處有告灾者悉準此例

○乙丑山西澤源州奏民逃徙者百餘戶其田荒廢而歲額未除請以均分見在之民

上曰民窮甚故逃今以分見在之民是欲其皆窮而逃也
命戶部速除稅額若民有願耕者或逃者復歸就耕則
三年後徵稅

○十一月癸酉

上諭戶部尚書夏原吉等曰土民所恃以衣食者今所在
州郡奏除荒田租得非百姓苦於征徭相率轉徙歟抑
年饑衣食不給或加以疫癘而死亡歟自今一切科徭
務樽節仍命有司凡政令不便於民者條具以聞被災
之處早奏賑恤有稽違者守令處重罪

○洪熙元年正月己亥遣布政使周幹按察使朝槩叅政
葉春巡行應天鎮江等八府察民利病賜勅諭曰朕祇

奉鴻圖君臨兆庶惓惓夙夜康濟為心而南方諸郡尤
厯念慮誠以民衆地遠情難上通今特命爾等巡視應
天鎮江常州蘇州松江湖州杭州嘉興八府其軍民安
否何似何弊當去何利當建審求其故具以實聞爾等
必公必勤毋徒苟應故事庶副朕憂憫元元之意欽哉
○三月辛未朔勅守南京襄城伯李隆曰軍民久勞宜俾
休息况東作方興不可妨其農務所運營造木植已過
儀真埧者令運至北京未過埧者俱於龍山廠收貯勅
南京工部亦如之

上勅戶部工部曰連年民力疲於轉輸朕夙夜思所以休
息之今北京庫藏所貯足給用度已令各處見解錢帛

金銀銅鐵等件未過儀真堪者俱貯於南京庫藏如已過堪聽來其原派納北京之糧仍令備運

○壬辰罷徐州等處買羊毛時有自南京來奏事者

上召至榻前問道途所過百姓安否何如首以是對立命所司罷之

○四月壬寅免山東及淮安徐州今年夏稅秋糧之半停罷一切官買物料時有至自南京者

上問道路所過民情何以對曰淮安徐州及山東境內民多乏食而有司徵夏稅方急遂召問少師蹇義所對亦然上坐西角門召大學士楊士奇等令草詔悉免其今年夏稅及秋糧之半官買物料一切停罷士奇對曰

月 卷一

皇上俯恤民窮誠出於聖仁若斯事亦可令戶部工部與開
上曰姑徐之救民之窮當如救焚溺不可遲疑有司慮國
用不足必持不決之意卿等姑勿言命中官具楮筆令
士竒等就西角樓書詔

上覽畢即命用璽已遣使齎行

上顧士竒曰汝今可語戶部工部朕悉免之矣左右或言
地方千餘里其間未必盡無收亦宜有分別庶不濫恩
上曰恤民寧過厚為天下主可與民寸寸計較耶

○勅平江伯陳瑄曰累歲軍民運木植勞勤朕甚憫之今
自儀真至通州沿河木植悉皆停運就所至去處惟梁
令人看守軍民悉散遣歸其差去管運官不許以堆梁

為由遷延不歸以擾害百姓違者罪之

○甲辰勅南京太監王景弘曰朕以來春還京今遣宮匠人等前來爾即提督將九五殿各宮院凡有滲漏之處隨宜脩葺但可居足矣不必過為整齊以重勞人力

○丁未都察院右副都御史弋謙等陞辭勅諭謙曰往年採木者必先虛奏數目及當起運之際倉卒採辦以足虛奏之數厲民為甚近命內官謝安侍郎楊和等往四川起運水次堆積之木朕慮安等復蹈前非特命爾往巡視但據今實堆積水次者即起運來如有比先虛奏之數今已赦其罪不問不可再採以補此數只從實起運如有不遵朕命仍前勞人採補者即枷釘差人解來

治以重罪

重農

○永樂七年三月辛未

上為皇太子監國南京謂戶部侍郎古朴曰今夏氣將至農事正急聞輸賦之人驟於京師久不得歸此必所司貪賄故生事阻滯其速榜諭凡運賦所過官司不即放行所至倉官不即收受者皆罪不貸

○永樂八年五月辛卯

上為皇太子監國南京刑科右給事中耿通言驍騎等衛倉壞運糧至者露積久而虧折多工部侍郎陳壽等不預修理宜正其罪

上曰豈獨虧糧又妨農務令壽等亟修倉收納遺民歸治農

○永樂二十二年五月丁丑

上為皇太子監國浙江台州府臨海縣塔廣濟等處河道淤塞水閘頽壞乞脩浚

上諭工部臣曰春秋慎用民力而護不時可令農隙脩築

○十月辛酉五城兵馬指揮司言比日京城軍民私宰牛甚衆請重罰以警之

上曰愚人苟圖目前之利更不恤刑罰命三法司自今私宰牛者十倍時值追鈔仍治私宰之罪時鈔法滯故權為此令

○十一月甲戌

上諭戶部尚書夏原吉曰鈔法不通兩日與卿等商畧未
決朕思之稼穡閭農絲枲閭婦此輩須詢之閭閻市井
閭庶盡委曲可揭榜通衢令官吏軍民中凡有所見許
詣闕自陳或赴通政司投進言當者從之否者不罪

○甲子湖廣等布政司左叅政黃澤等來朝各上章言事
上諭之曰朕所以求言者蓋欲聞民情休戚吏治賢否比
來言者多舉末節細務而於民情吏治鮮及之蓋文具
塞責而已甚非朕意爾等方面大臣當有體國憂民之
心宜為朕舉其要且切者不然何以稱爾之職遂命禮
部會議澤等所言以聞

褒直言

○洪熙元年正月丁酉密雲中衛舊城坍塌七百餘里奏請脩築

上曰今東作將興未可以妨農事姑俟秋成

○四月壬子魯王肇輝奏本府居室損漏欲令護衛官軍脩理請停今歲護衛屯田免其子粒賜書答曰屯田國之大政

皇祖

皇考制為萬世不易之法兄初即位豈可遽違以詢賢弟之請且詔書已定獨於賢弟更之衆其謂何况子粒仍充本衛軍糧於王府固自有益也居室損漏者可俟農隙脩之

求賢

○永樂二十二年十月乙卯

上命吏部令在京七品在外五品以上文官及知縣縣於五品以下見任官及軍民中訪舉德性淳篤行止端方或材能出衆政績顯著或文學有稱識見優遠者是材擢用若有蔽賢及濫舉者論罪如律所舉之人後犯贓罪舉者連坐又諭之曰朝廷比年數下詔舉賢而奉行者率多徇私背公或以賄賂舉或以親故舉所得實用十不三四政事何由而理生民何由而安自今必嚴舉主連坐之法庶得實材

○十一月甲申廷臣奏舉官者

上諭之曰君以求賢為務臣以薦賢為忠雖聖人用人不求備隨才大小皆有所用然天下之大其間豈無庶幾舉夔頽魯之徒誠得一人勝千百人爾等為朝臣宜體朕此意悉心訪求勿苟徇私情而不顧公義古人言舉能其官惟爾之能稱匪其人惟爾不任朕亦以此觀爾遂命吏部自今以薦舉至者必試而用之

○洪熙元年四月庚戌鄭府長史司審理所審理正俞廷輔言科舉之弊乞加慎選

上諭禮部臣曰所言當理其即行之又曰科舉之士須南北兼取南人雖善文詞而此人厚重比累科所選此人僅得什一非公天下之道自今科場取士以十分論南

士取六分此士四分爾等其定議各布政司名數以聞
用人

○永樂二十二年八月甲子

上以文官員冗命吏部汰之曰古稱官不必備惟其人今
過冗矣且賢否廉汙混淆無別廉汙無別則廉者之心
或急君子小人並處則小人之勢常勝且諸司令堂上
正官在外令巡按監察御史及按察司明公廉察凡賢
材者留其貪刻庸鄙及老疾者悉送吏部罷之自今吏
部宜精選勿濫

○九月乙酉陞靈璧縣丞田誠為州判官仍令佐靈璧縣
事初誠以丞九年考績詣京師縣人父老詣闕言成居

官廉能撫字有方乞復職

上諭吏部尚書蹇義等曰縣官親民苟得人當加秩而久任之俾一縣蒙福今民既願留之即其政可知遂有是命

○十二月辛亥書各都司布政司按察司官姓名於奉天門西序先是

上諭吏部尚書蹇義兵部尚書李慶曰庶官賢否軍民休戚之所係唐太宗書刺史之名於屏朝夕省覽聞其有善政則各疏於下故當時所用之人皆思奮勵致治效斗米三錢外戶不閉

皇考亦嘗書中外官姓名於武英殿南廊間暇觀之今五府六部之臣朕朝夕接見得詢察其賢否若都司布政

司按察司官朕既不盡識之又不知其姓名雖或聞其賢否邪正既久不能不忘為臣有善而上忘誰肯自勉有不善而上忘之誰肯自戒如此國家何以望治哉爾吏部兵部具各都司布政司按察司官姓名履歷冊諸西序朕得閒暇觀之以考察其行事而黜陟焉至是悉書之

上顧義等曰卿等更須用心以副圖治之意

○洪熙元年三月辛巳

上諭吏部臣曰刑獄係人死生近日刑官有以貪賄敗者有以深刻敗者蓋顛倒是非民苦冤抑天灾人譴彼必不免但簡用之者亦得辭其咎歟自今刑官必擇廉明

公正謹厚之士無俾儉人得肆枉濫

○五月戊寅陞貴池縣典史黃金蘭為本縣知縣初金蘭以考績至京邑民父老詣闕言其施政寬厚有愛民心請復其任

上曰能致民數千里乞留是不負朝廷任使矣遂有是命
命官

○永樂二十二年八月戊午命英國公張輔等掌五軍都督府諭之曰卿等皆

先朝勲舊故託以股肱心膂其一乃志力以無媿職守

○己未置太師太傅太保階正一品少師少傅少保階從

一品

皇明正統 卷一 表

上諭吏部尚書蹇義曰此

皇考之制也

皇考聖明天縱可不置此官予歷事未廣不無望於傅保卿等免之遂命義為少保

○壬戌加鎮守雲南黔國公沐晟太傅賜勅諭曰卿國家至親且老成有德望今朕嗣位之初方資毗輔之重特命卿為太傅尚念

皇祖

皇考之大德悉心盡力用佐眇躬嘉謀嘉猷勿以道遠而或吝朕虛己以俟焉賜晟鈔二萬貫絲幣表裏各十

○洪熙元年正月己卯建弘文閣於思善門作印章命翰

林院學士楊溥掌閣事翰林侍讀王進等佐之

上親舉印綬溥曰朕用卿等於左右非止助益學問亦欲廣知民事為理道之助卿等如有建白即以此封識進來

○庚寅命都指揮使張傑等任外職

上諭之曰爾等事

皇考多歷艱難朕初嗣位豈不欲爾旦夕在左右然念爾皆老成人涉歷多而智識明今用補外職非徒使享富貴汝有材能亦得展布以助益國家蓋今最要者愛養士卒嚴固守備而正己以表下各徃勉之

○四月戊辰命郎中李子潭等分徃總兵官楊武侯薛祿等處專理軍機文書賜勅諭之曰朕命將禦邊其軍務

皇明

卷一

之殷重在嚴謹而文墨所寄尤重得人今以爾等重厚
達於文理特命往各總兵官處凡其軍中機密文書從
總兵官同爾整理必謹嚴慎密不可泄漏其總兵官調
度軍馬發號施令等事爾一切不得干預總兵官宜以
禮待爾爾亦宜循守禮法不可輕慢庶幾協和相濟以
成國事欽哉

求言

○永樂二十二年九月丁亥

上謂翰林儒臣曰為政所大患者上下之情不通比來剗
野物議何如凡軍民中利有當興害有當革者卿等悉
為朕言當審其可否即行之庶幾少紓人困

庚寅

上諭鴻臚寺卿楊善等曰朕初即位凡吏治賢否民情休戚皆欲聞之而四方遠者無由盡達自今方岳大臣來朝即皆引見朕親問之庶幾以悉下情

○戊戌賜少傅兼吏部尚書蹇義少保兼華蓋殿大學士楊士奇太子少傅兼謹身殿大學士楊榮太子少保兼武英殿大學士金幼孜銀圖書各一其文曰繩愆糾繆仍諭之曰卿等皆國家舊臣祗事

先帝二十餘年又事朕於春宮練達老成今朕嗣位軍國之務重須協心贊輔凡政事有關或羣臣言之而朕未從或卿等之言朕有不從悉用此印密疏以聞毋憚於

皇明實訓 卷一

二十八

再三言之君臣之間盡誠相與庶幾朝無闕政民無失
所而朕與卿等皆不負

祖宗付託之重義等頓首受命

○十一月甲戌

上以在廷文武羣臣進言者寡勅諭之曰朕以菲德承大
統君臨億兆顧天下之廣庶務之繁豈一人所克獨理
亦惟賴文武賢臣相與協德共圖康濟矧屬亮陰之際
尤切倚毗之心是以嗣位之初首詔中外旁求直言此
實意也而涉月累旬言者無幾夫京師首善之地四方
之所視法今有民困於下而不得聞弊膠於習而不知
革為國以得賢為重事君以進賢為忠今居官者或貪

雜處賢否無別其何以望治效與兵者或部伍不實紀
律不肅其何以嚴防禦仕者之祿不足而冗食之冒其
衆法吏所尚平恕而罪人或困於深文推之百司之務
夫豈皆適於中近者如斯何以法遠豈非憲紀不振言
路猶壅夫有功必賞有罪必罰賢者必進不肖者必退
至公之典朕不敢私卿等皆受國家股肱心膂之寄無
以直言而慮後譴君臣同體相與至誠必有嘉謀嘉猷
輔朕不逮庶副倚重賢人君子之意

○丙子

上召大興宛平二縣官諭之曰朕即位之初首罷不急之
務以紓民力爾為京縣親民官正宜加意撫綏使民先

皇明通志

卷之六

七

受其惠比聞在京百姓猶有困於徭役者此皆爾等不職之故昨勅羣臣詢民瘼固有知而不言者亦有欲言而不知者爾切近民非不知也而亦不言何也今與爾約三日凡民間何事便何事不便悉具來聞朕為爾處置若復坐視不理必罪不貸因顧侍臣歎曰朕憂憫百姓登暮不忘而一城之中猶上下不通如此况數千里外哉古人所以戒無逸也

○丁亥

上御西角門閱京官誥詞顧大學士楊士奇楊榮金幼孜曰卿三人及蹇尚書夏尚書皆

也帝親任舊臣朕方倚以自輔凡朕所行卿等朝夕共見

有未盡善皆當盡言朕見前代人主有一履帝位輒自尊大惡聞直言左右之人雖素所親信亦畏威順旨緘默取容或賢良之臣言之一再而不見聽亦退而絕口以圖自全君臣之間各謂永享富貴然未久皆至禍敗朕與卿等當深以為戒君臣一體始終同心庶幾可以共圖利安遂取五人誥詞御筆增二語云勿謂崇高而難入勿以有所從違而或急曰此朕實心卿等勉之士奇等稽首曰此陛下聖德臣等其敢不勉

上悅

○十二月辛亥

皇明實訓

卷一

上諭戶部尚書夏原吉曰鈔法不通兩日與卿等商畧未
決朕思之稼穡閭閻農絲桑問婦此事須詢之閭閻市井
閒庶盡委曲可揭榜通衢令官吏軍民中凡有所見許
詣闕自陳或赴通政司投進言當者從之否者不罪

○甲子湖廣等布政司左叅政黃澤等來朝各上章言事
上諭之曰朕所以求言者蓋欲聞民情休戚吏治賢否比
來言者多舉末節細務而於民情吏治鮮及之蓋文具
塞責而已甚非朕意爾等方面大臣當有體國憂民之
心宜為朕舉其要且切者不然何以稱爾之職遂命禮
部會議澤等所言以聞

稟直言

○永樂二十二年九月壬辰平江伯陳瑄上言七事

上覽奏以付翰林臣曰瑄言皆當令所司速行又曰大臣能用心如此亦難遂降勅獎諭之勅曰朕嗣承大統君國子民之心夙夜倦：卿所陳數事皆今切務覽之再三良契于懷已勅所司施行惟卿忠愛之誠嘉念不忘特茲獎諭想宜知悉勅下左右或言瑄亦常談無足煩寵褒者

上曰武臣能言及此難得且今皆懼言出得罪所當獎掖以導之古人尚買死骨吾此舉豈不遠過之哉

○十一月丙申翰林院學士楊容疏言事

上嘉納之御劄獎諭曰覽卿所奏為國家之計誠合朕心

但望卿始終如一知無不言相朕政治以承天休感卿忠懇特用酬報今賜卿綵幣一雙寶鈔一千貫卿其領之

○己亥少傅兼華蓋殿大學士楊士奇密疏言事

上嘉納之御劄獎諭曰覽卿所奏導朕以仁助朕以德朕為唐虞之君惜俊良共成王化此金石之言誠忠良股肱之臣也朕朝夕慮卿等以朕尊居宸極畏有譴責不肯進言今覽所奏朕甚欣喜足慰於衷但望卿始終如一知無不言以副朕委託之意共成王道之美朕深感卿特賚卿白米十石綵幣二表裏寶鈔二千貫實章眷待非應故事卿其領之

○洪熙元年正月癸酉召大學士楊士奇楊榮金幼孜黃

淮諭曰為君以受直言為賢為臣以能直言為賢不受
直言則過益增不能直言則忠不盡如昨日朝會從呂
震所請令悔何及賴卿等同心遂免此悔自今卿等遇
朕行有未當但直言之毋以不從為慮各賜鈔一千貫
文幣一表裏

改過

○永樂二十二年十一月庚子

上御右順門諭楊士奇曰近日覺得羣臣意思多好朕或
乘快意發落事有過處朝退思之方自悔而外間已進
文字來甚愜朕心士奇對曰宋臣富弼有言願不以同
異為喜怒不以喜怒為用舍

上曰然書云有言逆於汝心必求諸道朕恒存此心間聖
臣所言有拂意者朕退必自思或朕言有失亦未嘗不
悔士奇對曰成湯改過不吝所以為聖人

上曰朕有不善患未知之知之不難於改此卿所知也

○洪熙元年正月己丑命給朝覲官孳牧馬初兵部尚書
李慶以畿內之民困於牧養官馬乃建白請令山東山
西河南陝西浙江江西湖廣七布政司及南北直隸府
州縣文武衙門每官一員給馬一匹就令牧養其孳生
準民間例無者追陪都司布政司按察司及衛所府州
縣正官給兒馬佐貳首領官給騾馬俱從太僕寺及都
司布政司提督考較用寬畿內之民

上命與羣臣議慶覆奏羣臣議皆合遂下令中外凡官員
至京者於兵部給馬時朝覲官在京已給過半有近臣
力為

上言事體不便者

上大悟時陝西按察使陳智亦曰按察司官受太僕寺提
督牧馬是風憲受制遂勅兵部曰初羣臣所議本欲使
行民今審思之誠有未當蓋國家以祿待士使牧民也
今以馬責其孳牧非惟失禮臣之體將有虧折貽害無
已遂使廉者難保其操行貪者得假此擾民况以下詔
寬恤民間牧馬令二歲納一駒豈復於官猶責孳牧縱
使各府州縣大小官一皆牧馬總約不及數千其於朝

廷補益幾何今朝觀官但已領馬者就依洪武中欵給官馬例給之不問孳息未領者悉止勿給

○三月丁丑

上以災異屢見而進言者鮮勅諭文武羣臣朕以眇躬處億兆之上天下之大政務之繁殆難獨理是以數詔求言冀匡不逮此朕之實心也自即位以來臣民上章以數百計未嘗不欣然聽納言之而當即與施行苟有不當未嘗加譴羣臣所共知也間因大理寺少卿弋謙所言過於矯激多非實事朕一時不能槩於心而羣臣有迎合朕意者交章奏其賣直請置諸法朕皆拒而不聽令謙就職但免朝參而自是以來言者蓋少豈以為無

事可言歟抑懷自全之計而退為默默歟今自冬不雪
春亦少雨陰陽愆和必有其咎豈無可言而為人臣者
惟念保身何以為忠朕於謙一時不能含容未嘗不自
愧咎爾文武羣臣亦各思以君子之道自勉據其嘉謀
嘉猷凡於國家軍民利有未興弊有未革及政令有未
當者咸直言之勿以前事為戒而有所諱庶幾君臣相
與之義弋謙朝參如故

明治體

上初為世子

太祖皇帝召

上及秦晉周三世子朝夕親教訓之歷試諸事嘗命分閱

中外臣民奏疏

上獨取其切於兵民疾苦及關

宗社大計者白之

太祖覽之稱善其間有一語一字之謬者悉置不以白

太祖指示之曰爾忽之耶對曰不敢忽顧小過失不足以瀆

天聽

太祖喜曰孫有君人之度哉

○永樂八年五月甲午

上為皇太子監國南京吏科給事中陶瑋有罪下獄特瑋

啓其鄉一工匠不赴公役而私賈於外

上曰爾以是為忠耶朝廷置六科雖以考察奏牘防閑欺

蔽亦欲聞政事之闕失下人之休戚今朝廷政事兵民
休戚豈無當言者皆未聞汝言而瑣瑣及此豈汝嘗有
私憾乎命刑召匠訊之刑部還言匠已役滿將歸暫賈
以給路費其家居與璋隣素有私忿蓋誣之遂下璋獄
○永樂二十二年八月己未錦衣衛指揮使王節等奏比
來校尉上直屢失所懸銅牌銅牌所憑關防出入者請
治之以懲

上曰昨日下詔赦有罪今日遽罪赦前事何以示信其勿
治遂論六科及三法司曰令信則民從不信則民貳國
家使人用信為本故昨日降詔惓惓在信爾等各務遵
守毋致朕食言以失人心

○洪熙元年三月壬申周王橐奏欲以河南都司衙門與汝南王家屬居住遺書答曰

祖宗建置都司總制一方所係非輕不敢移易汝南王家屬至可於三護衛衙門內擇一寬濶者居之此為得宜
興學

○永樂二十二年十月丁卯禮部引犀縣歲貢生奏送翰林院考試

上召大學士楊士奇等諭曰朝廷所重安百姓而百姓不得蒙福者由牧守匪人牧守匪人由學校失教故歲貢中古事不通道理不明十率七八此豈可授安民之寄自今宜戒因循之弊嚴考之本經四書義不在文詞之

工拙但取有理致者如或難得即數百人中得一人亦可蓋取之嚴則無學者不復萌僥倖之望而有嚮進之志矣

○十一月壬申

上諭禮部臣曰太學聚天下之士教之以備任用蓋因其已成而益充之今郡縣歲貢生率記誦陳言以圖僥倖求其實學百無二三爾禮部宜勅有司督學官嚴訓誨必通經成才方得充貢蓋學者先立根本於鄉學然後進充廣於太學若在鄉學全未有成而望有成於國學焉有此理

○十二月甲辰

上諭吏部臣曰師儒之職不可濫授此欲其成就人才德
古以模範稱之模範不正其所造器何能得正比來國
子生務實學者甚少大率於諸司歷事苟延歲月以圖
出身固是學者志趣卑下亦由師範失職所致卿等每
引選國子監官皆循資格陞之不聞舉一道德老成之
士如何望太學之師皆得人自今慎重其選

大明仁宗昭皇帝寶訓卷之一終

大明仁宗昭皇帝實訓卷之二

光祿大夫柱國少傅兼太子太傅禮部尚書武英殿大學士臣呂本謹校

南京禮部祠祭清吏司郎中臣陳治本

南京兵部職方清吏司主事臣朱錦謹校

南京工部虞衡清吏司郎中臣呂胤昌

崇儒

○永樂二十二年十月甲辰賜衍聖公孔彥縉宅於京師
彥縉數來朝皆館於民

上聞之顧近臣曰四夷朝貢之使至京皆有公館先聖子
孫乃寓民家何以稱崇儒重道之意遂命工部賜宅

○十二月己巳禮部尚書呂震奏有

旨賜行聖公孔彥縉一品金織衣衍聖公是二品如旨賜之過矣

上曰朝廷用孔子之道治家國天下今孔子之徒在官有一品服者孔子之後輩封承先師之祀服之何過且先帝時五品儒臣有賜二品服者亦何過哉其賜之用稱朕崇儒之意

正風化

○永樂八年三月己丑

上為皇太子監國南京都察院左都御史陳瑛啓蘇州府妖婦誣降邪神法當絞其子累乞代死據法不可從而堅請不已

上曰此亦子情所難可特以子之故曲宥其死然妖人下罪無以示懲杖而釋之

○七月丁丑

上為皇太子監國南京謂禮部尚書呂震曰人情相愛則祝以多男而民庶者國家之祥近謂京師愚民有厭子息多生輒棄之不育者傷天地之仁失父母之道宜嚴禁止之再有犯者并兩隣加罪

○永樂二十二年九月乙酉靈山衛指揮張忠過真定取民女子為妾已納聘蓋女子先受他聘矣而父母利厚質更許忠未行其先聘者訴于官事間

上曰姦姻風化之原既有成言義不可易今嗜利而中易

皇明通志

卷之二

二

之循夷虜之陋以敗風化此父母之過命法司罪王婦者女子歸先聘者如忠不知即不坐

○十月戊午免遠安王貴燮巴東王貴瑄為庶人勅曰送終人子大事爾兄弟父喪不奔喪五刑三千莫大不孝國之正法朕不敢私今悉削奪王爵降為庶人仍免刑於簡王墳園居住其原受遠安王巴東王冊印即封識付使者歸納原隨校尉悉令回京爾其深自循省以過易行以副朝廷優容之意蓋二人永樂中嘗誣告其父有不執謀至是

上諭禮部尚書呂震曰正風化當自家族始遂降勅削奪云

○十二月甲辰吏部舉奏興州左屯衛經歷李能詐丁憂
上曰孝子事親惟日不足不幸已死初猶以生事之不忍
遽死其親今親在乃詐言死以誑朝廷不孝不忠孰大
於此命付法司治之

○洪熙元年三月丁亥

上諭刑部尚書金純等曰自宮以求用者惟圖一身富貴
而絕其祖宗父母不顧古人求忠臣於孝子彼於父母
尚不顧豈有誠心事君朕已決意不用此等人然其不
孝之罪須懲治今後有自宮者必不貸若加人宮刑乎
朕亦惡之蓋宮刑下死刑一等耳亦須嚴切禁止顧大
學士楊士奇等曰此事須已詔書行之

明賢川

卷之二

三

諭臣下

○永樂七年十二月壬子

上為皇太子監國南京都督譚青率官軍赴北京陞辭

上諭之曰為將以號令嚴明部伍整肅近聞軍士在外往往暴橫擾民剽奪財物此皆為將不能約束之過夫兵以除暴衛民乃為暴厲民可乎其及約之母自取罪責

○永樂十八年十月乙卯

上為皇太子過滁州登瑯琊山指示學士楊士奇曰此醉翁亭故址也因嘆歐陽修立朝正言不易得今人和愛其文而知其忠者鮮矣蓋

上為文章尤善修每曰三代以下文人獨修有雍容和平

氣象尤愛其奏議切直嘗命刊修文以賜羣臣且諭之
曰修之賢非止於文卿等當考其所以事君者而勉之
○永樂二十二年十一月癸未遣監察御史楊燮等十四
人分巡天下考察官吏

上諭之曰國以民為本民安則國安比年在外牧守之官
不體朝廷恤民之意侵削擾害民不聊生故今遣爾等
分行考察然人才器不同有專為脂韋諂媚而政事不
理殃及於民者有沉靜篤實不善逢迎而為政簡易民
悅服之者有虛於用刑巧於取索而能集事者有廉潔
無私謹謹自守而政務不舉者爾當明白具實以聞無
惑於小人無屈於勢要無私於親故詢之於衆斷之以

公可也各賜鈔二十錠為道里費又諭之曰御史朕之耳目當勉副朕心必先自治乃可治人若棄廉耻違禮法朕亦不汝貸汝往勉之

○十二月丁未禮科給事中黃驥極陳西域買胡入貢西人受害乞罷其貢

上嘉納之以其奏下禮部尚書呂震曰驥嘗奉使西域故具悉西事卿陝西人不悉耶為大臣當存國體卹民窮毋侵削本根驥所言其皆從之

○洪熙元年正月乙亥勅諭天下文武羣臣曰朕惟天地以生物為德人君以安民為務設官分職簡賢任能以相成其功朕祇紹鴻圖仰惟

祖宗創業守成之難夙夜惓惓體

天為治嗣位之初蠲逋負赦有罪不急之務一切停罷選
任賢良共圖維新之治期與天下安於太平今天下庶
事未理生民未安斯朕之責亦爾文武羣臣之責尚思
勉之咨爾文臣六卿掌國之庶務布政司受任方隅守
令與郡邑大小庶官各有攸司其竭忠殫慮以安黎庶
銓選必擇人賦稅必有常禮教必修明兵政必振舉刑
罰必平怨讐繕必樽節凡百政令必勤審度以存恤為
心內外相承興利除害休息以蕃其生勸課以厚其本
興學勸士以正其俗以成其才必使吾民衣食充足禮
讓成風區夫區婦咸得其所斯為稱職咨爾武臣都府

掌國之軍政都司控制一方衛所邊圉各有信地其悉心戮力以衛國家簡閱訓練必公必勤紀律部伍必嚴必肅器械必堅利城堡必脩繕糧芟儲峙必足於用巡邏瞭望必謹以備使奸宄屏迹吾民安於無事其要以撫養軍士為本卹其饑寒念其疾苦用之萬全斯為稱職至於風憲為朕耳目朝政關典吏治得失軍民利病百官有司孰賢與否悉宜廉察必使官得其人政無不舉人咸樂生斯為稱職夫君臣一體上下相須朕勉於修德爾尚勵於忠貞稱成治化以濟斯民於雍熙泰和之盛不其偉歟朕代天子民恪存戒飭不以小人備任使不以浮費傷財力不以刑罰先教化不以貪黷勞士

卒爾尚體予至意以稱職任惟忠足以事君惟仁足以恤人惟勤則庶事集惟廉則公道存乃若驕盈縱恣朋比用事貪暴培克漁獵吾民或阿諛從史徒務容悅庸庸保位無補於黜陟之明賞罰之公典章具在爾其欽哉

○三月辛卯命安平伯李安為叅將往交趾與榮昌伯陳智同掌軍務賜勅免之曰爾父明達道理持身謹行盡忠國家朕未嘗忘爾亦能卓立繼父之志出入軍旅通練事機朕用嘉之今特付爾一方之寄其益敬慎盡心效謀懋建功業庶幾有光爾父而不負朕之委任欽哉

戒飭臣下

○永樂七年二月戊戌

明倫彙編 家範典 卷一百一十五

上為皇太子監國南京召各城門郎戒諭之曰朝廷設城門郎專以關防守備毋受制於權豪不可縱姦人亦不可阻平人宜盡爾職將別遣人巡視不能盡職有罰

○永樂八年二月癸丑

上為皇太子監國南京謂都察院左都御史陳瑛曰五城兵馬專以巡警京城若畏避權勢縱惡長奸將小人得志善良受害爾其戒勵之使各脩厥職

○永樂十四年正月乙卯

上為皇太子監國南京右春坊右中允吳均等言國朝之制古官有犯必奏聞然後逮問永新伯許成禮杖工部主事王景亮違越禮法宜正其罪

上曰成武人不達事體姑宥之已而召成諭曰古之賢臣不恃功而犯法惟能守法然後可長保富貴爾其慎之

○永樂二十一年八月辛未命定國公徐景昌富陽侯李茂芳受學于國子監初文武百官居

大行皇帝喪皆齋戒出宿公所景昌茂芳等不出宿為給事中所劾至是召二人面諭曰景昌

皇妣之姪茂芳

皇考外孫

皇考賓天臣民如喪考妣爾兩人乃安處私室顧情與禮何如此不學之過遂有是命

○九月乙亥命後軍都督府都督同知梁銘鎮守寧夏

上諭之曰寧夏西北重鎮其軍民艱窶已甚爾為守將務
撫綏之且爾既有常祿宜醇厚廉潔之行果若服食所需
不能繼當以告朕慎毋貪暴主事以困軍民蓋銘屢以
貪賄致敗故申飭之

○洪熙元年正月甲申勅大同叅將都督僉事沈清及掌
山西行都司都督僉事李謙曰朝廷謂爾等才智託以
邊事正宜同心協力綏撫士卒勤於操練晝夜以警備
為心庶稱委任今畧不聞邊備如何設施城池如何修
葺軍士如何操習糧儲如何蓄積但聞各持私意搜羅
過失互相訐奏若此所為何以稱朝廷之付託朕念武
安侯年老故命清為叅將副之一應事務清當與武安

候計議停當乃行清安敢專擅行之李謙職掌都司應有軍政須聽武安侯發放是非可否自有公論謙安敢與之相抗自古賢將皆務協和以成國事爾等不此視效乃私相忿爭果賢乎非賢乎宜深思前過改悔從善否則罰加爾身雖悔無及

○三月己卯勅寧夏叅將保定伯梁銘曰爾昔所為屢犯憲紀因辱損挫艱苦備嘗朕念守城舊勞宥爾之過加爾之爵謂必能懲創為善故授以邊寄期爾禦過外侮請安穩陞庶幾朝廷無西顧之憂爾不思感恩圖報乃包畜貪心誅未無已且古之為將者與士卒同甘苦著不張蓋軍器未成將不先食今爾不恤軍士之艱不以

防禦為重恣情貪虐加以酒色日不事事假如虜寇猝
然侵境何以為備自今宜深思前過改易所行禦已恤
下盡忠務公庶幾副朕之委任若復蹈前非國有明憲
爾其省之蓋時自寧夏至者言銘罪非一人故降勅切
責之

○丁亥

上諭刑部尚書金純都察院左都御史劉觀大理寺卿虞
謙曰往者法司無公平寬厚之意尚羅織為功能稍有
片言涉及國事輒論誹謗中外相率成風姦民欲嫁禍
良善者輒飾造誣罔以誹謗為說一里名於此身家破
滅莫復辦理今數日間覺此風又萌夫治道所急者求

言所患者以言為諱况今所急尤在於通下情卿等宜體朕心自今告誹謗者悉勿治顧大學士楊士奇等曰此事必以詔書行之

振風紀

○永樂二十二年十一月丙子

上謂都察院左都御史劉觀曰御史朝廷耳目當清心正己以振憲綱比年貪黷之風甚矣自今有差違者循洪武中例賜以衣鈔若復貪黷罪之不恕

○洪熙元年五月辛未

上諭少師兼吏部尚書蹇義曰御史朝廷耳目之官性老成識治體者可任新進小生遽受斯職未達政治之體

而有可為之權遇事風生以喜怒為威福以好惡為是非甚者貪穢無藉賢人君子正直不阿往往被其凌辱小人阿順從吏之則相與為膠漆其於政事污矣軍民利病略不用心安在其為耳目也爾吏部自今須慎選擢以清風紀既又嘆曰都御史十二道之表如都御史皆廉清公正各道御史雖間有不才亦當知畏憚今之不才者無畏憚矣爾其咨訪可任都御史者以聞

重名爵

(一) 永樂二十二年十月甲申嘉河衛指揮阿必察等遣女直頭目咬納等來朝且奏乞授咬納等本衛指揮

上顧侍臣曰一來朝遠授指揮再朝當授何官且有功者

又何以賞之不許賜咬納等鈔幣遠還

○丙辰忽石門衛指揮使沙籠加及頭目亦失哈等來朝乞授亦失哈本衛指揮

上諭之曰今一來朝遽授指揮有

先帝時累累來朝今尚為千百戶者其心必不安矣彼既不安汝得此職豈能自安但永堅忠誠不患無官職也遂賜沙籠加及亦失哈等鈔幣有差命禮部厚待之遣還因謂尚書呂震曰

祖宗官職當為

祖宗惜之震對曰外夷人授之官而非有俸祿之費似亦可與

上曰

先帝所授外夷人官亦非有俸祿何為不輕授吾重官職以寵此徒而又自輕之可乎且得一人而失衆人亦不可也

柳倖進

○永樂二十二年九月乙亥中軍都督府奏本府歷事監生七人今考所治吏事皆勤慎請如例送吏部備次授官上曰為士豈止習吏事而已吏事末也誠能窮經博古達於脩己治人之道吏事何難比士習日下率逐末以圖進取而昧於大經大法故用之往往厲民而辱國自今監生歷事考稱者仍命還監進學俾由科舉進庶幾士

皆可用官得其人於是通政司引奏六科辦事監生二十人以滿日例應還監幸逢維新之治願仍就科辦事以圖報效

上進二十人者諭之曰諸生不患無位但當圖所以無忝於位者勿徒懷倖進之心士有才德使人求而用之上也而求用於人下也諸生宜立志國家教育爾等固將用之無自汲汲其歸進學學有成朕不汝遺時六科給事中多言諸生萌倖倖之心

上灼知之故有是命

○戊子長沙府民有自宮求為內侍者通政使司以聞

上曰游惰不孝之人忍自絕於父母豈可使在左右發為

明史紀事本末

卷二

十一

卒戍邊

○十月癸卯興州左屯衛軍徐翊有子嘗自宮入為內監翊奏乞除軍籍

上曰為父當教子為子當養親爾有子不能教致自傷其體背親恩絕人道敗壞風化皆原於爾尚敢希除軍籍耶出其子使代軍役

退不肖

○永樂七年六月壬戌

上為皇太子監國南京江西道監察御史方恢父喪不丁憂事覺

上曰御史朝廷紀綱之職彼既不孝何以糾正百僚令錦

不衛執送行在奏請罪之

○永樂二十二年八月庚申前工部右侍郎伏伯安先坐
姦事罰築城至是遇赦當復職

上曰淫穢之人不宜汙朝行黜為荊門州知州

○辛酉貶掌中都留守司都指揮僉事牛諒成交趾初

上命諒從武安侯鄭亨鎮守大同諒憚行且不樂屬人即
詭奏曰令臣往治事乎抑為隸乎

上曰朝廷重邊務命爾從總兵大臣庶幾有贊畫之益顧
為遠是何等語朕初即位爾敢方命不恭如此將朝廷
不復使人耶令公侯大臣推問之遂奏諒懷詐不忠無
人臣禮法當誅

上不必誅亦不可用遂有是命

○九月癸酉朔降山西按察使陳諤為海鹽知縣諤初為湖廣按察使擢楚上細故

上素厭之後改山西坐事落職至是遇赦應復

上曰諤小人也 不宜以玷方面遂降知縣

○庚寅黜太常寺少卿周訥為交趾升華府知府訥永樂中為禮部祠祭司郎中嘗再上疏請封禪

太宗皇帝不聽後以方賓薦入太常未幾親喪丁憂至是來朝

上曰諛佞之人宜寘遠外不可以玷朝行遂黜之

○十一月壬午降浙江按察副使趙緯為嘉興縣典史初

緯為禮科給事中務掇拾人過失以希進擢至是來朝
上曰此人尚在耶懷蛇蝎之心豈可復置當道故有是命
防微

○永樂七年十二月戊申

上為皇太子監國南京守京城門內使言城門郎擅離所
守縱酒廢事城門郎亦言嘗以母病白內使薨歸即來
未嘗擅離蓋嘗以事忤內使故挾私誣搆

上曰城門郎無罪內使小人縱私上聞朝廷下誣無罪之
人豈可復用命下錦衣衛治之仍命司禮監榜示今後
內官使有言事不實及挾私枉人者悉寘重典

○永樂二十二年十一月庚辰內官馬騎傳

上旨諭翰林院書勅付驥復往交趾開辦金銀珠香時驥
被詔召還未久本院官覆奏

上正色白朕安得有此言卿等不聞渠前在交趾荼毒軍
民乎交趾自此人歸一方如解倒懸今又可遣耶遣之
非獨詔書不信將壞大事此人近在內間百方請求左
右為言再往當有利於國朕悉不答卿等宜識朕意遂
止

革弊

○永樂二十二年九月壬午

上諭工部臣曰古者土賦隨地所產不強其所無比年如
丹漆石青之類所司更不究物產之地一槩下郡縣徵

之郡縣逼迫小民鳩歛金弊詣京師博易輸納而商販
之徒乘時射利物價騰踴數十倍加有不肖官吏夤緣
為奸計民所費朝廷得其千百之十一其餘悉肥下人
今宜切戒此弊凡合用之物必於出產之地計直市之
若仍蹈故習一槩科派以毒民者必誅不宥

○十月庚戌

上諭鴻臚寺臣曰故事視朝後諸司有急切機務不得面
陳者許具題本於宮門投進異得速達今訴私事丐私
恩者亦進題本掩姦欺衆以圖僥倖壞法亂政弊莫甚
焉今後惟緊急機務不得即面陳者許封進題本其餘
大小公私之事並令公朝陳奏違者論以重罪仍令三

法司知之

○洪熙元年四月戊申命行在錦衣衛指揮使王節遣官於濟寧儀真鎮江等處巡捕寇盜

上曰往年所遣捕盜官多不得人屬民更甚於盜今須慎選若復踵前弊爾等與之同罪

地利

○永樂二十二年九月乙亥

上以京師人衆而菟薪往往取給千數百里外命工部弛西山樵採之禁尚書李慶奏曰盍惟聽官府採用

上曰古山林川澤皆與民共雖虞衡之禁取之有時用之有節其實亦為民守非公家專有之京師軍民數百萬

家薪非出山何所取給人君於民有父母之道苟可慮
民皆當施之况山澤天地所產以利民者其居庸關以
東與天壽山相接宜禁樵採餘勿禁

○十一月庚辰

上以鈔法久滯聞南京抽分場舊所積薪及龍江提舉司
所積竹木甚富有至二三十年者因歎曰積聚本以資
人今京師軍民得薪甚難與其積久以待腐何若散之
以利人遂諭工部臣其二處所積除足歲用外餘並以
鬻軍民每百斤官價鈔五貫悉收昏軟舊鈔庶便貧者
十二月癸丑罷海子至西湖巡視官蓋西湖受房山之
水流經城南出注海子凡三十餘里官常遣人往來巡

視禁民不得取魚而並緣為姦者其傍遠之草及淮田之水民皆不得取至是

上命吏部悉罷之謂尚書蹇義曰古者山澤之利皆與民共朕之心凡有可推以利民者雖府庫之儲不吝况山澤所產哉

武備

○永樂八年五月丁卯朔

上為皇太子監國南京兵部言羽林前等衛故軍官之子賈福等三十一人俱以父功免比試照例優給襲職上曰武官子弟不開弓馬一有緩急將焉用之命都督府依例比試不中者罰

○永樂二十二年十月癸卯

上諭兵部尚書李慶等曰城池為民保障今天下無事日久城墮池堙所司玩愒不知脩治一有警急何以衛民宜下各都司令督各衛所委正官巡視城池有傾塞者於軍士農種之暇併工脩理務令堅固若臨邊境則不俟農暇即日修治

○十一月乙亥太師英國公張輔太子少保兵部尚書李慶等奏請令直隸及近京都司官軍更番於京師操備可之

上諭之曰古者務農講武皆有定期故兩不偏廢今宜畧倣此意無廢屯種令畢農事而後來先農事而遣歸農

明倫彙編

卷一百一十五

十六

皆不妨誤

○洪熙元年正月丙子太子少保兵部尚書李慶勅奏天下都司衛所守禦指揮千百戶職在治兵而其間多貪暴怠惰紀律不嚴器械不利城池不脩軍士缺伍攻戰屯守之法漸至廢弛今因其來朝請付法司按治

上召至前諭之曰兵部所言良是國家之政莫重於兵備雖四方無事然不可一日忘備爾等職典斯事而倍慢如此罪誠難恕但嗣位之初未欲遽寘爾罰其歸勉圖自新實部伍練士卒利器械完城堡明屯守之法而廉潔守己毋縱貪刻以害軍士朕將遣人閱視有一不愆必罪不宥

○四月丙午

上以親軍諸衛軍士多缺伍守衛皇城者不得更番或經月不一歸家者命英國公張輔兵部尚書李慶選京師散衛軍之精壯者助親軍守衛親軍專守皇城四門京衛軍助守端門之外及東上等門時守衛軍三日輒有賜鈔慶言舊制無散衛軍守衛者

上曰大臣執舊制固是朕念人久勞不得息且經月在公不得一見父母妻子皆人情所難今使勞者得更番而助守衛者亦預被賞賚此姑一時權宜非為定制俟親軍補伍有人悉如舊慶曰守衛事嚴散衛軍豈可盡信上笑曰人未可盡信亦未可盡疑為人上在布德施仁以

三月

卷二

十七

得衆心耳誠得其心仇敵可化為父子苟失其心素所親信有反目相噬者古人云舟中敵國蓋既往多有之矣慶不能對遂以京衛軍權助親軍守衛

備邊

○永樂二十二年十一月丙子

上諭兵部尚書李慶曰國家雖無事邊境不可一日不備緣邊諸衛常須核實部伍申飭統領庶幾守備堅固寇至無虞比聞邊將多玩棄法度軍伍之間名存實亡須遣御史覈視之

○洪熙元年正月乙未勅大同總兵官武安侯鄭亨等曰欽天監言天象有警朕恒以邊事為慮蓋虞情請詔或

弱而見強或強而見弱或出或沒或東或西不可測度
為邊將者須深思熟慮晝夜關防今自冬及春其聲迹
無聞不可遽謂安靜無事萬一獸奔豕突當思有以禦
之宜整柵軍馬令各城池屯堡收拾堅固各關隘用心
守把各烟墩仔細瞭望頃刻不可怠忽慎之慎之今農
務將興又不可妨誤屯種勅遼東甘肅寧夏山海永平
宣府開平總兵及備禦鎮守官亦如之

○二月壬寅勅大同總兵官武安侯鄭亨等及宣府總兵
官都督譚廣曰去冬以來虜寇動靜無聞朝廷所遣使
亦久不回御等宜思慮預防今長安嶺守關指揮秦達
賊人馬約五十餘人直抵隰寧驛劫掠未審是何部落

遼東武進伯朱榮亦奏兀良哈韃靼欲來賣馬又哈密近遣人進硫黃從前不聞哈密產此物

先帝時亦不曾有進緣此數端皆須計慮虜中既有硫黃則製造火器不患無人猝遇戰鬪亦須有備大同宣府一帶空曠虜熟經之路宜整棚軍馬晝夜嚴切隄備古云有備無患其慎之慎之庶副朕委任之重仍勅寧夏甘肅遼東山海永平開平諸將一體嚴備

○三月庚寅勅鎮守大同武安侯鄭亨常年隄防虜寇皆以秋冬及春夏則惻虜賊諂詐或窺伺無備來襲不可不慮宜嚴督將士整棚軍馬堅固城池屯堡用心隄備及督各隘口烟墩十分仔細瞭望守把不可怠忽勅各

虞總兵備禦及鎮守官亦如之

○乙未勅遼東總兵武進伯朱榮今欽天監奏天象應東夷有兵卿等須晝夜用心整柵軍馬嚴固守備不可須

○丙申勅口外總兵官太子太保陽武侯薛祿所奏山後延燒雖是野火然不可輒有懈怠之意蓋虜寇譎詐况近日數有天象其占皆謂邊警須晝夜用心關防哨瞭各關隘及守烟墩軍士務要精壯毋以老弱有疾之人祇數誤事邊上一應事務宜竭心盡力以副委任

○四月甲辰勅諸邊將欽天監奏天象應有暴兵宜十分用心整柵軍馬晝夜嚴謹隄備不可怠忽

諭邊將

○洪熙元年夏四月庚子朔遼東總兵官武進伯朱榮奏
廣寧前屯衛刺梨山百戶鮑麟私遣軍士還家致為鞋
賊所虜

上命巡按御史詣彼審實處麟軍法降勅諭榮曰夫將者
士卒之表為將能廉公勤慎紀律正號令肅斯下人有
所稟承無敢縱恣總兵又諸將之表能慎諸己誰敢不
慎朕即位以來夙夜惓惓以邊務為心屢勅總帥嚴督
將士用心哨瞭隄備而將士畧不遵承察其所自皆由
總兵之人不體付託之重恬然自逸未嘗一出巡視關
隘壯士健卒擁衛左右饑寒窮苦無資之人則令備瞭

望守關口上下相師成風軍務都不留意是以寇奔至而不覺人被虜而不知其指揮千百戶固難逃罪總兵之人亦復何顏卿先朝老臣朕所倚任但有功必賞有罪必罰

祖宗至公之典須相與共守自今宜加警省嚴號令明紀律遠斥埃慎守備躬勤率下毋蹈前失庶副朕委任之重近陽武侯薛祿等率兵巡邊殺獲虜寇將士咸論功行賞薊州虜寇入境劫掠人民其總兵官遂安伯陳英及都指揮陳景先等並停俸祿并諭卿知之

○勅責山海永平等處總兵官遂安伯陳英及都指揮陳景先朕以爾等材智可用命鎮守邊陲防禦虜寇保障民

人又屢勅爾嚴督將士謹慎防備晝夜用心哨瞭不可
怠忽今薊州境內寇至而汝不覺邊人被殺擄而汝不
知御史文奏爾罪請付法司朕姑曲貸但勅停爾之祿
夫朝廷至公之典有功必賞有罪必罰決無所私近陽
武侯薛祿等殺獲韃賊有功將士咸加官賞遼東廣寧
前屯衛百戶鮑麟私役軍人致為賊所擄已論軍法處
死其總兵官朱榮亦遣勅切責所以未付爾於法者蓋
期爾革前過勉後效爾宜深省躬勤率下以副朝廷委
託之重若復蹈前失國典具在朕不爾私遂賜勅徧戒
邊將

○耳肅總兵官都督費瓖奏送虜中歸附人家小五十二

口赴京又奏有婦女二十七口存留等候親戚待後起送
上慮虜情多疑久或生變勅諭歡曰所存留婦女不問有
無親戚在後即盡數差人送來爾名臣子孫為國重臣
先帝謂爾練習軍政付以邊寄朕承

先志付託尤專不意爾比來溺於宴安而懦弱不振低眉
俛首受制於人大丈夫所為固若是乎宜痛自懲艾奮
志卓立勉圖後效庶副朕青望之重蓋

上聞軍中諸事獻不能專悉聽中官指使云

○甲子大同總兵官武安侯鄭亨等奏請促遣高山等四
衛官軍詣大同屯守賜勅答曰去冬爾奏此事已勅該
府兵部准行但以嚴寒姑待開春調遣卿等因循不及

月朔日 卷二

時催督延至於今方以為言今屯者種已入土若督使動移則所種盡棄况各衛相距大同亦遠縱督之急行到彼亦及夏中農時既過何以措力徒使軍士彼此失業審若可緩即姑緩之此蓋卿等忽畧之過然爾職務軍旅此治文書者之忽畧也今於文職內簡有才識者一人遣來專理軍機文書凡有文移與之計議可行即行有稽緩錯繆則罪在彼非卿等之過若軍機調遣則卿等專之彼不得預庶幾各任其責

○乙丑勅各處總兵官軍中机務責在謹密而不稽滯比武安侯鄭亨處稽緩一事所誤非小蓋治文書者之失於檢點已度卿等亦不免此失况聞諸將多用卒伍之

人治文書未及施行已漏泄傳播於事非宜今於文職
內簡重厚有才識者多遣一人來專理文書爾與之計
議而行文書有漏泄稽誤責在彼若軍機調度一切之
事彼無預焉

郵將士

上初為世子

太祖皇帝召

上及秦晉周三世子朝夕親教訓之歷試諸事嘗命分閱
皇城四門衛士

上還奏獨後

太祖問之對曰旦寒甚衛士方食俟其既食乃閱之故後

太祖喜曰能體恤下人是吾心也

○永樂二十二年十月戊辰風寒

上御西角門視朝罷顧謂翰林臣曰今日始寒朕與卿等居重城中猶覺凜凜如此守邊將士晝夜嚴警漸不可勝遂命書勅遣使以鈔幣賜緣邊將士戶部尚書夏原吉等曰朝廷待守邊者厚矣既預給禦寒之具復蒙恩如此昔楚子以寒巡拊三軍皆如挾纊彼徒施溫言人猶感勵况今受實恩敢昧報效但願

陛下常推此心不忘耳

上曰人君視天下萬物為一體况將士為國家躬勤勞瘁豈敢須臾忘之朕所行或有不逮頃卿等翼輔古人有

言為君盡君道為臣盡臣道朕與卿等各盡其道可也
○洪熙元年正月乙未勅平江伯陳瑄曰官軍運糧遠道
勞動寒暑暴露晝夜不息既有盤淺之費而糧米耗折
所司又責倍償人情難堪洪武中有令許運糧官船內
附載已物以資私用今後準此令官府無得阻當

賚功

○洪熙元年二月乙丑遣勅褒諭總兵官太子太保陽武
侯薛祿等曰得奏知虜入邊境卿等躬率將士奮驅追
之擒捕斬馘虜遂大敗狼狽奔潰可為能副委託之重
使邊將皆然何患不除何功不立朕甚嘉悅特遣太監
楊瑛鴻臚寺卿楊善以酒千罇羊百羴往勞官軍至京

明倫彙編 家範典 卷一百一十五

論功行賞

○四月戊申薊州山海等處鎮守都指揮陳景先奏率領官軍追襲虜寇寇斃於神鏡遂潰走獲其器甲及馬百餘匹并追回所虜人口

上命說以所獲馬給將士仍命戶部復景先祿而遣使賫勅諭景先曰爾前以失機停俸今有功可贖已勅戶部還所停俸其即取勘官軍有功者并原失機今能用力追勦者分器第具姓名報來務合公道毋縱私高下朕將頒賞焉

厚勲感

○永樂二十二年十月癸丑故中軍都督府都督僉事徐

膺緒子景珩來朝

上諭吏部臣曰我

太祖高皇帝定天下中山武寧王德最盛景珩兄弟皆其孫且

皇妣之姪父死時兄弟皆幼廢學可擇師就其家教之使
知為人之道庶幾不忝厥世又諭景珩等曰人之善道
載於書爾讀書則知之知之必行之由是為孝子為忠
臣可以有先爾祖爾今雖年長古人多有晚學而成德
者能百倍其功何患不成其勉之又顧翰林侍臣曰富
貴家子弟習成驕傲雖有良師未必能降心受教爾等
其程督之一月兩加考試庶使知所勉勵

○洪熙元年三月癸未命魏國公徐顯宗從學國子監令太子少傅楊榮送之入監曰爾往諭司業此開國元勳之後欲其家與國同久其子孫必能奉法循理務孝與忠乃克保之顯宗孤子其加意教訓使長成有立不失祿位庶稱國家待功臣之道遂賜司業貝表鈔幣

郵舊勞

○永樂二十二年九月丙戌命錦衣衛將軍趙信等百二十八人俱為百戶補外先日

上諭兵部尚書李慶等曰此輩事

皇祖

皇考久者三十四年近者不下二十年少壯入侍白首不

需一命人情謂何可閔其歷年久者明日引來至是悉授百戶與善地衆皆感恩頓首

○丁亥命左春坊清紀郎張根司經局校書彭敏致事是時舊宮臣皆有陞轉獨根敏年老賜勅及白金鈔幣命致事勅曰卿等事朕青宮久矣勤慎小心始終不懈又以篤實令侍諸子講讀朝夕啓迪資益良多今朕嗣大位方將顯用顧爾蒼顏白髮超步惟艱不忍勞以職務特命致事還鄉爾尚端志簡欲以佚餘齡勤善率人以惇里俗用副朕優待舊人之意欽哉根等陞辭

上語之曰爾身尚康健歲時一來見朕也皆感泣稽首

○十一月丙戌陞太子賓客戶部尚書郭資為太子太師

命致仕

上諭侍臣曰資歷仕四十餘年

先帝舉義之際從朕守城備極艱難事苟有利於國毅然
身任不避仇怨今方圖任舊人而資老病朕不欲更煩
以政故優之是日賜資白金百兩鈔二萬緡綠幣二十
表裡命戶部復其家復賜之資勅曰卿事我

皇祖

皇考四十年歷官中外致位通顯列于六卿遭遇如斯可
為盛矣卿有賢實之資剛直之氣志之所騫惟在國家
有利於上毅然身任不畏強禦雖怨聚於已而不暇顧
雖害及於已而不知避可謂忠貞篤實之臣矣朕初嗣

大統嘉與老成共圖治理剋肇建儲副兼資贊輔顧卿
抱疾累歲步趨惟艱不忍強勞以事今特嗾為太子太
師俾致仕歸嗚呼念二十年之前與卿同處一城早暮
相聚勞勤艱苦何可勝言今太平無事當相與共樂於
安逸而卿以疾去能不有感於懷哉今命戶部悉免卿
戶內賦役卿歸休鄉里強飲食慎醫藥優游自適以娛
暮齡以副朕眷懷後命戶部月給支資半俸終其身
○十二月庚戌故兵部尚書兼詹事府詹事金忠子達來
朝時達甫十餘歲

上召至前撫問之命左右賜食及衣顧侍臣曰忠事

先帝於兵戈艱難之際又輔朕於春宮篤厚誠謹良有裨

益今朕即位而忠獨早歿因慨歎久之遂命吏部校達翰林院檢討月食其祿俾歸進學俟年長召用是日召故吏部侍郎許思溫之子俊亦至授太常寺贊禮郎俾進學翰林以待用思溫初為北平按察副使從上效守城之勞蓋

上於舊人眷念不忘率如此

○甲寅加太子少傅兼謹身殿大學士楊榮工部尚書勅曰茲為胡虜梗化累犯邊疆我

皇考太宗文皇帝為

宗社子孫天下臣民長久之計不得已躬擐甲冑親率六師徃行天討豈期醜虜畏威遠遁班師之日不幸中道

皇考上虞六軍在外朕又遠違膝下及其崩殂兒孫亦莫能知惟卿盡忠為國報

先皇帝恩德獨為果斷致有今日家國寧謐

宗社尊安今辰奏告忽思至此實感不已卿當齊業者哀悼愴惶之際報卿甚微今追前愆加賜卿白金五十兩綵幣表裡各十寶鈔二萬貫白米二十石特陞卿為工部尚書前官如故三俸俱支全支尚書本色卿當領服以慰朕懷

○洪熙元年三月丁亥勅開平備禦都指揮使齊安曰昔我

皇考奉天靖難卿奮不顧身效忠行陣柳風沐雨破銳摧

堅備嘗勤勞以就功業繼奉命鎮守開平又能竭心殫力協贊戎機輯寧邊圉多歷歲年肆朕即位以來尤隆委任比聞卿年踰八十壯志雖存體力益衰而邊務之殷耄勤不懈朕甚憫焉勅至可即還京優游閒逸以樂壽康用副朕優待老臣之意

○四月甲寅

上念舊勞賜少師兼吏部尚書蹇義勅曰曩朕監國之時卿以先朝舊臣擢兼詹事日侍左右時肇建兩京政務方殷隨事籌畫適中惟難卿以善翊君以義徇國勞心焦思不恤身家載歷艱虞未嘗有咨嗟之意及朕嗣承大統贊襄治理用濟斯民踰朕於道不懈益恭二十餘

年夷險一節朕篤不忘茲以己意剗製寒忠貞印一枚
賜卿用藏於家傳之後世俾爾子孫知前人顯榮於國
者良不易致宜加保守朕之子孫亦知卿劬予於艱體
朕愛卿之心以保爾子孫庶幾上下相安與國成休書
曰惟后非賢不乂惟賢非后不食自古君臣相遇難矣
往績惟懋永終是圖欽哉勅少傅兵部尚書兼華蓋殿
大學士楊士奇曰往者國家肇建兩京政務方殷朕膺
監國之

命卿以翰林親臣兼職奉坊留侍左右贊助庶務敷答章
奏籌畫之際適中惟難朕恒以為慮尚賴卿一二臣僚
同心合德徇國忘身屢經艱虞曾不易志及朕嗣位以

來嘉猷入告于內期予于治以惠黎元正固無二簡在朕心茲以已意劍製楊貞一印一枚賜卿用藏于家傳之後世惟卿子孫由是知卿克致顯榮不易惟艱思保守之惟子孫亦由是知卿弼朕之功以保全爾子孫與國咸休永世無斃詩曰無言不酬無德不報又曰靡不有初鮮克有終高克交脩以成明良之譽欽哉

禮羣臣

○永樂七年十一月壬辰

上為皇太子監國南京命醫往視刑部侍郎張本疾初上以運軍需諸物赴行在者河小水澁運舟業集阻滯不進持遣本沿河督視本躬勤塗慕為方畧立程度行舟

皆通公私便之至是有言本疾

上曰本貞能視國事如家事為臣盡心如本難得命太醫院遣醫馳往視之仍賜本鈔五百貫及貂帽貂裘

○永樂八年四月庚戌

上為皇太子監國南京廣西總兵官都督同知韓觀以疾聞上曰觀在廣西久亦克盡心蠻夷畏服命太醫院遣醫往視仍遣行人牛韓問疾賜觀鈔二千貫

○永樂二十二年十月庚午

上諭吏部尚書蹇義曰自古人君厚其臣必體其情而及其父母故後世有推恩封贈之典今武臣皆得封贈祖考文臣得者甚少

太祖

太宗之世既皆行之明著吏部職掌蓋褒善勸功勵人心於忠孝者在此其舉行之但毋越成憲濫及匪人耳

○十一月壬辰

上諭禮部尚書呂震曰遇節皇親例賜鈔在廷文武股肱之臣朝夕相與可否機務而有故不宴者即同疎遠小臣皆給節鈔五貫殆非朕禮大臣之道汝識之繼今遇節不宴者凡任事之臣公侯伯都督尚書賜鈔一千貫侍郎五百貫

○洪熙元年正月壬辰

上諭禮部尚書呂震曰朝廷臣在任久者今皆令還鄉展

省其得誥勅者足為家鄉之榮然到家有養祭賓客之費往還有道里之費計其在官俸祿給日用外有餘貲者鮮矣自今歸者皆賜鈔公侯伯一品二品賜鈔五千貫三品四千貫四品三千貫五品二千貫六品七品一千貫八品以下皆五百貫著為令

○二月戊午陞國子祭酒兼翰林院侍講胡儼為太子賓客仍兼祭酒命致事賜勅諭曰卿以文學事我太宗皇帝肯居翰林繼輔朕春宮未幾陞掌監學先皇帝之寵儒者與儒者之遇

聖明皆至盛矣而卿居太學不數歲復召入翰林職史事效勞茲多朕嗣位以來篤念舊人而卿以疾不見者數

年昨因命卿侍皇太子講讀乃聞卿疾日增弗任厥勞
朕用憫然特進卿為太子賓客仍兼祭酒致事還鄉已
勅戶部免卿子孫雜泛差役待卿終身卿其端志坦懷
以率鄉里優游桑梓以樂餘年用副朕始終禮待之意
欽哉

褒贈

○洪熙元年三月壬申

上諭禮部尚書呂震曰往年劉儁從征交趾陷于賊不屈
而死禮官不言婦人盡節於夫有旌褒之典况大臣捐
軀為國何可不加褒卹其贈儁為太子少傅令翰林
謚遣人祭之翰林奏謚儁節愍

上歎曰忠臣之心皆欲立功報國不能成功則惟守義若身為大臣惟阿順取容為保祿固位之計國亦何賴

(一) 甲戌初

上命禮部尚書呂震諭旨翰林定金忠等謚賀銀預焉大學士楊士奇等覆奏

上曰此數人皆在

先朝盡心國事有德行重厚表裏一致者有洊歷艱難始終一心者必旌褒之庶幾禮賢厚忠之道但朕意未嘗及銀蓋銀之勞可贈官而行不應美謚如加銀惡謚又過不若無謚人不得議古人制謚正為定論美惡以示至公卿等宜盡心

明刑

○永樂七年六月甲辰

上為皇太子監國南京刑科右給事中耿通等劾啓都察院左都御史陳瑛及監察御史袁綱覃珩朋比蒙蔽詆構善良陷之死地綱珩已下獄瑛為長官不宜獨宥請并治之初瑛言兵部武庫主事李貞受皂隸葉轉等四人銀各四兩請下貞獄

上曰貧賤乃為皂隸亦有銀致賂耶無罪者勿枉其審實行之數日貞妻擊登聞鼓陳訴御史遣獄吏至家傳夫之言索首飾銀納贖而索甚急自念夫志守廉潔且家陝西素貧而今始仕未嘗有餘貲製銀首飾也乞為辨理

上曰此冤獄也吾初固已不信必出法司鍛鍊命吏部尚書燕詹事府詹事蹇義會六部大臣於詹事府審之義等坐府中自辰至午追貞等不至至者惟皂隸葉轉已榜掠不勝詢貞等不至之故轉曰貞及皂隸三人皆笞死三日矣問貞未死時承伏受銀否曰惟不承伏故備極楚毒以死曰爾以何罪曰御史誣轉等以銀賂貞得早遣就役轉四人皆貧民何自有銀賂貞如有銀當賂縣吏不遣為隸京師矣問事之所起轉言在獄時聞貞云袁孽兩御史嘗俱至兵部索皂隸貞碎未有應之御史適見遣轉等四人就役遂詐為風聞以興此獄彼三人者已斲寃同貞死轉雖不死去死一間耳言已悲慟

號寃義等以聞

上召綱珩面詰之皆承伏於是通等拜劾瑛罪

上曰瑛大臣蓋為下所欺不能覺察耳姑置之綱珩敢縱私殺人其械繫之并具其罪狀詣行在奏請誅之

○永樂九年閏十二月庚申

上為皇太子戶部言廣東雷州府九月颶風暴雨遂漢海康二縣壞廬舍千六百餘間田禾八百三十八頃民溺死千六百餘人府縣匿不以聞

上曰守令民之父母不恤其患又不以聞是豈有人心令御史按視鞠治

○永樂十四年七月甲寅

上為皇太子監國南京刑科給事中李能劾啓河南布政
司左叅議王徵巡視民瘼所至恣貪酷杖殺新鄭等縣
吏民數人請治其罪

上曰巡視民瘼求以恤人乃縱私殺人罪奚可容命都察
院追鞠之

○永樂二十二年十月戊申通政使司引興化縣民秦知
縣李遜苛刻苦民且有子貪黷不可堪錄其賊有金銀
數百兩錦綺數百疋他物稱是皆赦後所犯併執以聞
上命付都察院鞠之諭都御史劉觀曰朝廷擇守令使養
民乃厲民如此父為之不足又縱其子民何以堪且赦
後不改是終不改矣必論之如律又曰近年人情敢肆

行犯法者恃有罰工作之令故有財者悉得倖免自今凡有罪者死生輕重一斷如律庶幾有所懲勸

○十二月丁未鎮守遼東武進伯朱榮奏千戶劉彪等七人當備禦遼東或逗遛不發或中路逃歸命逮至

上諭彪等曰國家平時養將士正望宣力効勞臣之事君當朝受命夕就道今受命備禦邊境非有赴湯蹈火之難乃怯避不行使將士皆如此國家不復使人耶命都察院錦衣衛官曰有罪不誅無以示懲即械送遼東令榮集諸軍斬以徇其中有訴嘗從征被傷未愈及病未能行者

上命刑部訊之且諭之曰有罪不可不誅無罪不可濫誅

必得其實耳

○洪熙元年五月壬申湖廣淑浦縣民告里人謀反命監察御史陳紹夔往按無狀還奏

上曰反叛極惡是欲枉人於族命誅告者

卹刑

○永樂二十二年五月戊子

上為皇太子監國謂刑部都察院臣曰軍民詞訟自下而上陳告已有定律今頑民動輒赴京赴訴及逮問十率五六不實雖平民終無罪然道路往還數千里不耐辛苦而死者多矣今後所告非重事悉發巡按監察御史及按察司理問無干涉者就遣寧家有罪者送赴京

○十月丁巳大理寺奏決重囚

上曰人命甚重帝王以愛人為德卿等理刑宜替輔德政
罔俾無辜含冤地下傷國家之和氣昔法吏有於死獄
求生道者天有顯報不在其身在其後人卿等勉之遂
命五府六部通政司六科同三法司於承天門會審特
召大學士楊士奇楊榮金幼孜至榻前諭曰比年法司
之濫朕未嘗不知其所擬大逆不道往往出於羅織煅煉
先帝數切戒之故死刑至四五覆奏而法司略不留意甘
為酷吏而無愧自今凡審決重囚卿三人往同審有寬
抑者雖細故必以聞遂命三法司今後審決重囚必會
三學士同審

○十二月庚戌刑部尚書金仕太子少保兼都察院左都御史劉觀等奏刑名單

上諭之曰朕於刑法未嘗敢以喜怒增損卿等鞠獄之際亦當虛心聽察量其情實有罪不可幸免無罪不可濫刑持法明信則人有所畏而不敢犯若不明其情而任已輕重或迎合朕意使人含冤抱恨者朕之所惡卿等其以為戒卿等皆國大臣非獨自己當存矜獄之心如朕一時過於疾惡處法失中卿等更須執正毋以乖迂為慮朕不難於從善也

○洪熙元年三月辛未朔勅三法司曰人命至重卿等宜體上帝好生之德明慎用刑不可輕忽務得實情毋深

明實川

卷之二

三五

文羅織以逞功能大理職當詳審不可徇徇及畏權勢
要遷合附會以致枉濫書云鈔哉欽哉惟刑之恤哉其
敬慎之

○己丑詔天下曰朕恭承大統為天下生民之主惟我
皇祖

皇考受民之仁祇率不怠旦夕思念人命甚重哀矜庶獄
惓惓在懷夫刑以禁暴止邪道民於善堂專務誅殺哉
故律令之制善善長而惡惡短罰之輕重咸遠厥中顧
執法之吏不能皆平有虛飾其情傳致死罪而比附謬
妄尤甚枉人朕深懼之夫五刑之條莫甚大辟大辟之
施身首異處斯已極矣自今有犯死罪律該凌遲者依

律科決其餘死罪止於斬絞法司並勿傳會味情失實以致寬濫若朕一時過於嫉惡律外用舊文及凌遲之刑者法司再三執奏三奏不允至於五奏五奏不允同三公及大臣執奏必允乃已永為定制文武諸司自今亦不縱肆暴酷於法外用鞭背等刑以傷人命尤不許加人宮刑絕人嗣續有自宮者以不孝論人之為非固有父子不相為謀者肆虐舜為君罰弗及嗣文王之世罪人不孥自今惟犯謀反大逆者依律連坐其餘有犯止坐本身毋一槩處以連坐之法古之盛時恒採民言用資戒警今凶險之徒往往摭拾誣為誹謗法吏深刻鍛煉成獄刑之失中民則無措今後但有告誹謗者

切勿治爾中外文武羣臣宜端乃志悉乃心畏天愛人
務從寬恕庶有以佐朕父母斯民之治有或違者必罰
不貸布告天下咸使聞知

宥過

○永樂八年二月甲辰

上為皇太子監國南京廣德州知州楊翰以公事稽程被
逮州民耆老二百餘人詣闕言翰善於撫字百姓賴之
乞貸罪還職

上曰有耆老二百餘人言其善必有及民之政矣稽緩公
事小過可恕也遂遣行人齎書就道諭之復職仍賜鈔
三百貫

○永樂二十二年十一月乙亥遣使齎勅諭元良哈官民曰
皇考太宗皇帝賓

天朕已欽奉

天命繼承大位主宰天下凡四方萬國之人罪無大小悉
已赦宥若元良哈官民能敬順

天道許令改過自新仍前朝貢聽往來自在生理
上因諭侍臣曰彼有過而不宥之既無所容必為邊患吾
不吝屈以安百姓

○洪熙元年二月辛丑勅諭千戶楊木答兀等曰爾等歸
順朝廷久効勞動前因都指揮王椎非理虐害遂生疑
懼挈家逃逸我

皇考太宗皇帝體

上天好生之心遣指揮金聲齋勅往諭寬宥前過爾等亦
能悔過伏罪即差人陳悃謝恩今朕繼承大位主宰天
下一民失所時予之責故凡有罪者咸赦宥之今安生
樂業獨爾等尚棲棲在外未抵寧居朕甚憫之蓋爾等
前過迫於一時所不得已朕已洞燭爾心今再遣金聲
齋勅往諭其體朕意即同金聲來朝復爾等官職仍回
本土安其生業永享太平勿復懷疑以失事機

懷遠人

○永樂二十二年九月辛丑加忠勇王金忠太子太保二
俸俱支

上諭少傅兼吏部尚書蹇義曰朕嗣位以來文武大臣皆有進職此人在列不無希覬之意亦宜有以慰安其心義對曰漢北歸附之人居京師者甚衆今皆瞻望朝廷待此人如何雖賜賚已厚然名爵亦宜略示優待此懷遠之道

上曰然其他職名渠所不諳虜人所諳者惟三師為重可與太子太保但不令預職事爾

○洪熙元年二月辛丑朔遣中官柴山齋勅往琉球國命故中山王思紹世子尚巴志嗣中山王勅曰昔我

皇考太宗文皇帝躬膺

天命統御萬方恩施均一遠邇歸仁爾父聰明賢達茂篤

忠誠敬

天事大益久弗懈我

皇考良用褒嘉今朕纘承大統念爾父沒已久爾其嫡子
宜俾承續特命爾嗣琉球國中山王爾尚立孝立忠恪
守藩服修德務善以福國人斯爵祿之榮延於無窮尚
其祇承無怠無忽仍賜尚巴志冠帶襲衣文綺

○三月壬辰勅鎮守河州都指揮劉昭及河州必里泚州
西寧罕東涼州諸衛比歲邊人勤勞艱苦朕夙夜在念
圖存恤之其洪熙二年各番簇該納差發馬俱且停止
俟洪熙六年如舊徵收爾等其加意撫綏毋或擾害以
副朕憂憫邊人之心欽哉

洪熙二卷終